

Kontuola

ANTZUOLA / Egubakoitza / 2003ko urtarrilaren 10a / 141. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com • Lege gordailua: SS1179/02

Independentzia Eguna ospatuko dute zapatuan

AINTZANE IRIZAR

Orain dela 373 urte lortu zuen Antzuolak independentzia, 1629ko abenduaren 12an, hain zuzen ere. Urteurren hori ospatzeko, hainbat ekitaldi antolatzen ditu herriko gazte talde batek urtero. Aurten ere ospakizun egun polita antolatu dute biharko, urtarrilak 11.

Goizean goizetik gauera arte hainbat ekitaldi izango ditugu bihar, zapatua, gure herriaren independentzia ospatzeko.

Goizeko hamarretan, herriko txistulariek kalejira egingo dute, herriko kaleak alaitzeko. Eguerdi aldera, 12:30ean, hain zuzen ere, herri poteoa antolatu dute parte hartu nahi duen guztiarendako, herriko trikitilarien doinuek lagunduta.

Horren guztiaren ondoren, eguneko ekitaldi nagusia izango dugu: herri bazkaria, Udal Pilotalekuan.

Mox eta Larrea tabernetan daude bazkari horretara joateko txartelak salgai, hamabi eurotan; bazkarira joan nahi dutenek azkar ibili beharko dute, baina, txartelen bat eskuratu nahi baldin badute.

Bazkalostean ekitaldi ugari egongo da, giroa alaitzeko: herriko dantzariak arituko dira, baita trikitilariak eta txaranga ere. Bestalde, azkeneko urteetako ohiturari utsiz, herriko koadrilek hainbat ikuskizun prestatuko dituzte bazkalosteko saio horretarako.



Bazkalostean hainbat ekitaldi eta ikuskizun izango dira.

Gauean, azkenik, 23:30ean, Biduri Sound musika animatzailearen emanaldiaz gozatzeko eta dantza egiteko aukera izango dugu Zurrategi plazan.

Egun horretako ospakizunetan parte hartzen duten herritar guztiei baserriar janzteia eskatzen diete antolatzailerak, baita gainerako herritarrei ere.

ANTZUOLAK HERRI IZAERA LORTU ZUEN Urte hauetan guztietan Independentzia Eguna urtarrilean ospa-

tzen duten arren, abenduaren 12an izaten da Antzuolaren independentziaren urteurrena. 1629. urteko abenduaren 12an, hain zuzen ere, lortu zuen Antzuolak herri izaera edo independentzia, 1391. urtea ezkerreko Bergararen parte izan eta gero.

Historiaren arabera, Bergararengatik banandu eta independentzia lortu ahal izateko, urrezko 5.000 dukat ordaindu behar izan zizkion Antzuolak Felipe III.ari.

LABUR

Hazparneko ikastolari laguntzeko dirua batuko dute urtarrilaren 25era arte

Hazparneko ikastolari laguntzeko, hainbat ekitaldi antolatu dituzte azkeneko hilabeteetan. Besteak beste, ikastola diruz laguntzeko kanpaina egin zuten, eta Idolazek herriko bi aurrezki kutxetan dituen kontu-korronteetan dirua sartzeko aukera dago urtarrilaren 25era arte. Udalak ere eman dio dirulaguntza ikastola horri.

Urtarril bukaeran irekiko dute KZGunea, eta hainbat ikastaro antolatuko dituzte

Urtarrilaren 29an zabalduko dute Konekta Zaitetz Gunea Olaran etxeke lehenengo solairuan. Zabaltzen duten egunetik bertatik, Internet erabiltzen ikasteko doako ikastaroak egongo dira, nahi duen guztiarendako. Izena emateko epea zabalik dago, udaletxeko bulegoetan.

Inersoren Bainuetxe Programan parte hartzeko, udaletxean eman behar da izena

Inersoren Bainuetxe Programan parte hartzeko, Udaleko gizarte laguntzailearengana jo dezakezue izena ematera eta informazioa jasotzera. Inersok eskaintzen dituen bainuetxeetako egonaldi horietan abuztua baino lehen parte hartu nahi izanez gero, urtarrilaren 21a baino lehen eman behar da izena.

AKEk eta Gazte Asanbladak Gabonetan antolatutako zozketen emaitzak

Hainbat zozketa antolatu dituzte herriko taldeek Gabonetan. Antzuola Kirol Elkarteak saski eder bat zozketatu zuen, eta honako zenbakia izan da saritua: 17.703, hain zuzen ere.

Gazte Asanbladak, berriz, txerrikia zozketatu zuen: 912 zenbakidun txartela izan da irabazlea.

Gizarte etxea botatzeko lanak lehiaketara ateratu berri ditu Antzuolako Udalak

Abenduko osoko bilkuran erabaki zuen udalbatzarrak Guraso Elkar-tearena eta maristena izandako eraikina botatzea. Orain, lehiaketara ateratu berri ditu proiektua idatzi eta eraikina botatzeko lanak. Hilaren 20ra arte egongo da zabalik proposamenak aurkezteko epea. Horren ondorioz, laster botako dute eraikina.

ZURE IZENA ETA HELBIDEA

ANTZUOLA • ARETXABAETA • ELGETA • ESKORIATZA • OÑATI

Zerbitzu hobea emateko asmoz, herri horietan otsalitik aurrera ETIKETAREKIN banatzen hasiko gara GOIENKARIA.

Astero eta doan jasotzen jarraitu nahi baduzu, DERRIGORREZKOA da izen-deiturak eta helbidea ematea.

Datuak eman dituztenek BAKARRIK jaso ahal izango dute GOIENKARIA.

943 71 23 90/91
jaranguren@goiena.com

Goienkaria

IZEN-DEITURAK HELBIDEA

BARRUN ZURE HERRIKO ALDIZKARIA

Goienkaria

EGUBAKOITZA • 2002ko abenduaren 13a • III. urtea • 90. zenbakia • Donostia

KIROLA

Parte-hartze handia Futbito Txapelketan

AINTZANE IRIZAR

Antzuolako Gazte Asanbladak antolatuta, 24 orduko Futbito Txapelketa jokatu dute urtarri-leko lehen asteburuan. Mutiletan Txuri-Beltz taldeak irabazi zuten; nesketan, berriz, parte hartu zuten bi taldeei eman zizkieten trofeoak. Hamasei taldek hartu dute parte.

Azkeneko urteotan bertan behera lagata zegoen ohiturari heldu nahi izan dio Antzuolako Gazte Asanbladak, eta, horrela, 24 orduko Futbito Txapelketa antolatu du.

Zapatuan, urtarrilaren 4an, hasi zen txapelketa, arratsaldeko zazpietan, eta domekan arratsaldeko zazpietan jokatu zuten finala. Denera, 25 orduko futbito ikuskizuna izan genuen herriko frontoian.

DENERA, HAMASEI TALDE

Gazte Asanbladako kideak pozik azaldu dira txapelketak herrian izandako harrerarekin, eta ekitaldi horren balorazio oso positiboa egin dutela azaldu digute. Parte-hartzaileez gain, ikusleak

asko ere egon ziren frontoian, eta giro paregabea jarri zuten, gainera, zapatu gau osoan. Bes-tetik, txapelketan parte hartu zuten jokalariai eurak ere gus-tura azaldu ziren.

Bi mailatan jokatu dute Futbito Txapelketa: alde batetik, 14 urtetik gorako mutilak; eta, bes-tetik, neskek. Neskei dagokie-nez, bi taldek bakarrik eman zuten izena, eta bi partidu joku-tu zituzten elkarren aurka. Partidu bakoitzean, baina, jokala-ri ezberdinek parte hartu zuten talde bakoitzean, eta antola-tzaileek denei eman zizkieten trofeoak.

Mutileen mailan kompeten-tzia eta lehiakortasun handia-go egon zen; izan ere, hamalau taldek hartu zuten parte txapelketan. Azkenean, Txuri-Beltz taldeak eraman zuen txapela, eta Eruption geratu zen bigarren, domeka iluntzean jokaturako partiduan.

Azkenik, aipatu behar da txapelketa amaitu zenean, joku-larien hainbat oinetako, toaila eta bestelakoak aurkitu zituztela antolatzaileek, eta udaletxeko bulegoan daudela.



Pintadak, gazteendako lokalak eskatzeko

Aurreko astean, pintadak azaldu ziren udaletxeko arkupean eta Herri Ikastetxeko horma baten; zera zioen pintada horrek: *Udaletxe honekin gazteak gogor. Lokalak orain!*. Mireia Unamuno alkateak azaldu digunez, aspalditik ari da Udala gazteendako lokal baten bila: "Kontua da lokal berezia behar dugula; edozein ez da egokia gazteendako lokal moduan erabiltzeko, zaratengatik, kokapenagatik edo egoeragatik." Herri guztian begira ibili eta gero, lokal egoki batzuk aurkitu zituzten, baina jabeek ez zizkieten errentan eman nahi. Azkenean, baina, errentan emateko prest dagoen ugazaba bat aurkitu dute, eta negoziazioetan ari dira momentu honetan. Datorren astean lokal hori eskuratzea espero dute Udaleko arduradunek./A.I.

HERRITARREN HITZA / Paco Morcillo · Langilea

Etxebizitza berriak eta parke txikiak

Azkeneko urte hauetan etxebizitza berri asko eraiki dituzte Antzuolan.

Kanpoko jende asko etorri da herrira etxebizitza horiek erostera, eta horrek herria handitzea ekarri du. Era berean, inbertsioa motibatu egin da horrekin batera. Etxebizitza berriak erostea oso positiboa iruditzen zait, baina, batzutan, herria lo egiteko toki bat baino ez izatea ekarri izan du horrek.

Hala eta guztiz ere, herriak asko irabazi du nire ustez, eta datozen urteetan ere biztanle-

ria haziz doala nabarituko dugu, etxebizitza berriak eraikitzen ari direlako, hain zuzen ere.

Herria urbanistikoki haziz jarraitzea espero dut. Ongizatea eta eguneroko elkarbizitza atseginagoak izango dira eta.

Bestalde, herriko parke txikiak gainean jardun gura nuke tarte honetan. Gabonetako jaiak eta



"Datozen urteetan ere biztanleria haziz doala nabarituko dugu"

oporak bukatu berri zaizkigu, eta eguneroko bizitzara, normaltasunera, itzuli gara.

Herrian zehar egiten ditudan pasioetan, bi parketan ibiltzen naiz gusturen. Batetik, erdi-erdian Antzuolako gurutzea duen parkea, Errekalde auzoaren parean.

Errepidearen beste aldean, berriz, Antzuolako gurutzearen parkearen

parean, Antiguako ermitaren, errotaren eta ahateen urmaelaren aldamenen, nik neuk zuhaitzen parkea deitzen diodana dago.

Zuhaitz mota ezberdinak ditugu parke horretan, eta denak gustatzen zaizkit, oso dira politak; baina, badago bereziki erakartzen nauen zuhaitz bat, artelatza, hain zuzen. Izan ere, inguru hauetan ez dago artelatza ikusteko aukera asko.

Herrietako parke txiki hauetan lasaitasunaz eta ongizateaz gozatzeko aukera paregabea dugu.

KIROLA

PARTIDUAK

FUTBOLA

Urtarrilak 12

16:00: Antzuola-Dunboa-Eguzki

(Gazteak)

EMAITZAK

FUTBOLA

Antzuola 2 Zumaiako 3 (2. erreg.)

Beti Ona 0 Antzuola 5 (Gazteak)

Beti Ona taldearen aurkako partidua izan da gazteen taldeak jokatu duen igoera faseko lehendabiziko partidua. Gazteen bigarren maila dago taldea, eta lehen mailara igotzeko aukera dauka.

LARREA**TABERNA**Kalebarren 17
ANTZUOLA**ANTZUOLA**Apainketak eta
isolamenduak
Pladurrezko dibisioakKalegoi 21 ANTZUOLA
676 997 400
Biltegia: 943 78 70 40*Tomas Gezalaga*Apainketarako eta
industriarako pinturak

Paper margotuak

Moketak eta tapizatuak

Kalegoi 21
Tf. eta faxa 943 76 64 07
Poltsikokoa 616 277 999
ANTZUOLA / BERGARA**GAILUR**taberna eta
gozotegiaBuztinzuri 13 ANTZUOLA
Tf. 943 78 70 32*Tomas Gezalaga*Zoruen kutxilatua
eta
barnizaketaKalegoi 21
Tf. eta faxa 943 76 64 07
Poltsikokoa 616 277 999
ANTZUOLA / BERGARA